

元祐黨人傳

元祐黨人傳卷第五

諸授榮祿大夫三品頂戴前廣東南韶連兵備道調補高

廉道權福建鹽運使司鹽法道加四級臣陸心源纂

万俟正傳

万俟正宗寧初選人坐元符末應詔上書謗訕崇寧

三年入黨籍五年令吏部注在外台入差遣紹興中

右朝請大夫主管台州崇道觀二十九年提點荆湖

南路公事

繫年要錄
百八十二

許堯輔傳

許堯輔莆田人紹聖元年進士坐元符末上書言多

詆譏邪上第十二人衝替不得改官三年入黨籍五

年吏部注在外差遣

福建通志參紀事本末

楊拙傳

楊拙字持正福建閩縣人元祐六年進士元符初調
渭州推官未赴帥司檄攝長汀縣明年之渭州道由
京師上書論紹聖權奸以元祐爲讐貶死故老大臣
成廢后之謀戮上書之士日食雪見饑饉薦臻皆由
於此言甚切直移知建陽縣崇寧三年蔡京專政列
拙入上書邪等籍除名勒停大觀間黨禁解起爲建

寧軍節度推官

福建通志卷一百七十二

胡良傳

胡良坐元符末上書言多詆譏邪上第十三人衝替
不得改官三年入黨籍五年吏部注在外差遣楊仲良紀
事本末

梅君俞傳

梅君俞坐元符末上書言多詆譏邪上第十六人衝
替不得改官三年入黨籍五年吏部注在外差遣同上
寇宗顏傳

寇宗顏坐元符上書言多詆譏邪上第二十人衝替
不得改官三年入黨籍五年吏部注在外差遣同上

張居傳

張居宣州眞寶縣人舜民族元祐六年進上元符三年徽宗卽位下詔求言居時爲黔州彭水令上疏切直出數百人上而數百人者得其副亦欺以爲不可及崇寧元年坐應詔上書言多詆譏邪上第十六人衝替不得改官三年入黨籍五年吏部注在外差遣尋卒以孫珣登朝贈大中大夫

長編二百二十六卷
本末陸放翁集張君墓誌

李修傳

李修字季

入紹聖二年知英德縣撰南山游記刻於石崇寧

元年坐元符末書詆譏邪上第十四人衝替不得改官三年入黨

籍五年吏部注在外差遣政和中豐城縣主簿

事未參廣東志南昌府志

逢純熙傳

逢純熙坐元符末應詔上書言多詆譏邪上第二十

四人衝替不得改官三年入黨籍

紀事本末

高遵恪傳

高遵恪漳州人崇寧初坐元符上書言多詆譏降兩

官致仕三年入黨籍邪上第三十五人

同上

案萃編與高遵裕合爲一考遵裕宋史有傳卒

于哲宗時年六十不得至崇寧時當別爲一人

黃才傳

黃才坐元符末上書言多詆譏邪上第十九人衝替
不得改官三年入黨籍五年吏部注在外差遣上同

曹盟傳

曹盟坐元符上書言多詆譏邪上第二十一人衝替
不得改官三年入黨籍五年吏部注在外差遣上同

侯願道傳

侯願道崇寧初選人坐元符上書言多詆譏邪上第
三十八人衝替不得改官三年入黨籍五年令吏部
注在外差遣上同

周遵道傳

周遵道江西臨川人紹聖四年進士坐元符末應詔
上書言多譏訕邪上第三十九人衝替不得改官三
年入黨籍五年吏部注在外差遣

長編紀事本末
參江西通志

林膚傳

林膚福建福清人祖槩父旦宋史皆有傳以父任入
仕元符上書邪上第二十二人崇寧三年入黨籍

參紀事本末

葛輝傳

葛輝坐元符末上書言多詆譏邪上第二十三人衝

替不得改官三年入黨籍

紀事本末

宋壽岳傳

宋壽岳坐元符末上書言多詆譏邪上第三十九人
衡替不得改官三年入黨籍五年吏部注在外差遣
上同

王公彥傳

王公彥坐元符末上書言多詆譏邪上第九人衡替
不得改官五年吏部注在外差遣紹興初官右承議
郎主管亳州明道宮二年進秩二等

紀事本末參
繫年要錄

王交傳

王交崇寧初選人元符上書言多詆譏邪上第二十

五人衝替不得改官三年入黨籍五年吏部注在外

差遣紀事本末

張溥傳

張溥崇寧初選人坐元符上書言多詆譏邪上第二

十六人衝替不得改官三年入黨籍五年吏部注在

外差遣同上

許安修傳

許安修崇寧三年坐元符末上書言多詆譏邪上

第四人入黨籍五年於舊資上降兩資收叙紹興中知婺源縣同上參歲州府志

劉古甫傳

劉吉甫元符中累官承務郎致仕坐元符末應詔上書言多詆譏降官責遠小處監當崇寧三年入黨籍

邪上第八人

同上

胡潛傳

胡潛崇寧初選人坐元符上書言多詆譏邪上第二十七人衝替不得改官三年入黨籍五年吏部注在

外差遣

同上

董祥傳

董祥崇寧初選人元符上書言多詆譏邪上第二十九人衝替不得改官三年入黨籍五年吏部注在外

差遣同上

楊瓌寶傳

楊瓌寶字器之管城人父仲元朱史有傳兄國寶字應之與程伊川友善呂公著外甥也瓌寶元祐中自常調堂除差知咸平縣六年爲兩浙轉運判官累官郡守與張文潛相唱和崇寧初坐元符二年上書謗訕邪下降授朝請郎管勾鴻慶宮再降授朝奉郎添差監宿州鹽酒稅三年入黨籍五年敘復朝請郎通鑑長編參楊仲良長編紀事本末朱史聞見後錄瓌寶兄弟皆安貧樂道未嘗少屈于人元豐間親喪服除至京師寓程伊川家日

以麤飯一盆菜蔬一盆兄弟分食甘如飴蜜不求于

人

伊洛淵源錄

倪直孺傳

倪直孺建德人元豐八年進士元符末累官承議郎

崇寧二年坐上書謗訕降授宣德郎添差監南劍州

鹽稅五年敘復承議郎

浙江通志參紀事本末

蔣津傳

蔣津毘陵人熙寧三年進士元符上書言多詆譏邪

上第三十三人衝替不得改官三年入黨籍五年令

吏部注合入差遣

咸淳毘陵志參紀事本末

王守傳

王守崇寧初選人坐元符上書言多詆譏邪上第三
十二人衝替不得改官三年入黨籍五年令吏部注
在外合入差遣

紀事本末

鄧允中傳

鄧允中崇寧選人崇寧初上書謗訕特衝替永不得
改官三年入黨籍五年吏部注在外差遣

同上

梁俊民傳

梁俊民崇寧選人坐崇寧初上書謗訕特衝替永不
得改官三年入黨籍五年吏部注在外差遣

同上

王陽傳

王陽崇寧初選人元符上書言多詆譏邪上第四十人衝替不得改官三年入黨籍五年令吏部注在外差遣同上

陸表民傳

陸表民崇寧選人坐崇寧初上書謗訕特衝替永不得改官三年入黨籍五年令吏部注在外合入差遣同上

葉世英傳

葉世英元符末選人坐崇寧初上書謗訕追奪元授

假承務郎三年入黨籍五年復假承事郎不理選限

同上

張裕傳

張裕崇寧初選人元符上書言多詆譏邪上第三十
六人衝替不得改官三年入黨籍五年令吏部注在

外合入差遣

同上

謝潛傳

謝潛字致虛長汀人紹聖四年進士崇寧二年中宏
詞科除瀛州教授坐元符末上封事規切時事邪上
第三人尋赦大觀間知建陽及信州弋陽縣毀淫祠

禁民間溺子邑人生子多以謝名

福建通志卷一百二十七建炎

初畫歸二聖策以獻進秩二等終奉議郎

繫年要錄

陳唐傳

陳唐坐元符末應詔上書詆譏謗斥得罪宗廟降授

承務郎監華州酒稅務邪上第二十九人三年入黨

籍五年敘復宣德郎

紀事本末

劉經國傳

劉經國崇寧三年已故坐元符三年應詔上書謗訕

入黨籍

同上

湯檄傳

湯餞不詳里貫元祐中官陳州別駕上書請除揚王
爲左僕射元符二年除名送新州編管

李燾
長編

司馬康傳

司馬康□字公休光子以韓絳薦爲祕書省校書郎
光薨服除召爲著作佐郎兼侍講康自居喪蔬食寢
于地得腹疾年四十一而卒贈右諫議大夫事迹詳
宋史本傳

宋保國傳

宋保國安陸人父祁宋史有傳保國與王安石友善
臨川集有與保國書累監濟南鎮

仇池
筆記

遷大理評事

熙寧八年坐與進士江汝猷毀榜殿守榜軍士降散

官黃州安置彩選格起于唐李邵保國依元豐官制

更定爲彩選格

邵掃編

元祐七年官宣德郎奏請皇太

后行躬詣太廟之禮元符元年迫毀出身以來文字

除名

長編五
百四

尋卒崇寧三年入黨籍

紀事本末

黃隱傳

黃隱字光中初名降字從善治平四年登進士第四
人是歲族父君俞試開封第一回黜禮部隱上書乞
以所得恩命補君俞官君俞遂得召試除撫州司戶
隱知常州府無錫縣以最聞元豐五年入爲監察御

史裏行時方向王安石學神宗問隱學術何宗隱以
司馬光對尋遷監察御史八年黃履言隱行誼端方
文學該贍擢殿中侍御史言守右僕射中書侍郎韓
絳不堪大用不報又言京西轉運副使沈希顏多求
羨餘希冀進用非法聚斂一路受弊

長編三百五十七又奏

宋用臣挾持恣橫殘民損國乞罷市橋地課又奏福
建產錢福州十二縣共八千餘貫泉州興化十四縣
共六萬餘貫而福州緣王氏之舊每產錢一當餘州
之十其科納以此爲率餘隨均定兩綱出役錢亦皆
至五倍而其實減半焉昨王子京奏立鹽法不檢會

前項別例遂于元額上增多寡相遠本緣子京之誤
遂爲定額民間應辦已涉七年遠民之冤未易伸述
乞賜體究改正又奏住福建路禁權蠟茶又奏罷京
東西兩路保馬司勾當官又奏宣昭使宋用臣偷盜
官園蓮藕虧償物價累贓不少乞根究長編三百五十七至五十
九尋遷國子司業取三經新義板火之力排王氏新
說每見生員試卷引用輒斥其說出榜示眾安石死
諸生欲設齋致奠隱輒忿怒將繩以率斂之法爲劉
摯上官均呂陶上章論劾元祐二年八月左遷鴻臚
少卿右正言丁騭論其黨附程頤出知泉州尋改泗

州元符初責授水部員外郎分司南京睦州居住二

年詔以託附元祐非毀法度責授平江軍司馬南安

軍安置

五百九

崇寧元年再貶管勾靈仙觀入黨籍尋

卒靖康初贈直龍圖閣與一子官

通鑑長編入閩通志參萬姓統譜

畢仲游傳

畢仲游字公叔士安子代州人與兄仲衍同登第元

祐初爲軍器衛尉丞提點河東刑獄太原銅器名天

下獨不市一物懼人以爲矯也且行買二茶匕而去

徽宗時歷吏部郎中墮黨籍坎壈散秩而終弟仲愈

歷國子監丞諸王府侍講知鳳翔府坐兄仲游陷黨

籍例廢黜徽宗曰畢仲游被遇先帝可除罪籍以仲
愈爲都官郎中擢祕書少監卒事蹟詳宋史本傳

常安民傳

常安民字希古邛州人年十四入太學王安石稱其
文欲兄之安民堅不肯往第進士授應天府軍巡判
官選成都府教授與安惇同僚嘗偕謁府帥惇輒毀
素所厚善者安民退謂惇曰若人不厚于君耶惇曰
吾心實惡之姑面交爾安民曰君所謂匿怨而友其
人乃李林甫也惇笑曰直道還君富貴輸我安民應
曰君處富貴天下事可知我當歸山林豈復與君校

是非耶愾深銜之秩滿寓京師妻孫氏與蔡確之妻兄弟也確時爲相安民惡其人絕不相聞元祐初薦擢大理丞紹聖初拜監察御史疏論蔡京內結中官外連朝士一不附己則誣以黨於元祐非先帝法必擠之而後己今在朝之臣京黨過半陛下不可不早覺悟而逐去之是時京之姦始萌芽人多未測獨安民首發之又言今大臣爲紹述之說皆借此名以報復私怨朋附之流遂從而和之章疏前後至數十百上度終不能回遂丐外曾布章愾比而排之監滁州酒稅滿三歲通判温州徽宗立提點永興軍路刑獄

蔡京用事入黨籍流落二十年政和末卒建炎四年
贈諫議大夫事蹟詳宋史本傳

汪衍傳

汪衍未詳里貫元符元年官朝散郎永康軍通判坐
元祐中上書謗訕詆毀先朝編管封州永不收敘崇

寧二年入黨籍

長編參紀
事本末

余爽傳

余爽洪州分寧人字荀龍良肱子與兄卞皆以任子
恩試校書郎元祐末極言請太皇太后還政事章憤
憾爽不附己乃摘其言爲謗訕以瀛州防禦推官除

名竄封州久之起知明州未行罷監東嶽廟崇寧中與卞俱入黨籍事蹟詳宋史本傳

鄭俠傳

鄭俠字介夫福州福清人父暈嘉祐四年同五經出身監江寧酒稅終通直郎俠甫冠喪母隨父之官讀書於江寧之清涼寺中書舍人王安石以持母喪寓江寧俠攜所業往謁安石大獎之治平四年登進士甲科授秘書省校書郎調光州司法參軍時安石已爲參知政事俠每讞疑獄具案傳奏安石歎爲得情報下悉如所請初俠雅重安石以爲遇時致主太平

可指日而望及爲相行新法多不便於民俠咸安石
知己欲盡忠以告熙寧五年秋滿移令不赴徑入都
見安石問近何所聞對曰新法與邊鄙用兵俠心不
能無區區也安石色不懌俠自是不復進謁久之得
監安上門稅往辭安石安石曰卻受監門去意殊恚
俠也俠在門局安石以春社還由本門法當迎揖道
左安石惻然慰勞明日遣其子雋來仍告以欲薦試
法意俠固辭如初未幾置修經局安石欲辟俠爲檢
討更命從子璿黎東美諭意且言改京官然後可別
圖差遣俠毅然曰俠來京求一席地執經丞相門下

耳初不知官資美惡高卑也丞相當軸持論無非以
官爵爲先所以待士者不亦淺乎果欲援俠而成就
之取其所獻利民便物之事一二足矣異日進某未
晚當是時青苗免役市易保甲諸法騷動天下而免
行錢市利錢京師下戶民尤苦之而俠嘗於門下兩
具實封極言諸法爲百姓害安石皆不報至是東美
問所欲言俠復爲書囚東美以獻已而詔下小夫裨
販者免充行各門司專糶食錢十減六七餘如故會
大旱自六年七月至七年三月不雨兩河關輔饑民
提攜老幼東南趁熟每風沙霾暄破籠弊飯負戴塞

路贏瘠愁苦膚無完衣或茹木實草根以活都下米
價翔踊民皆買麻枲麥麩合米爲糜而逋負青苗免
役者官督迫益急至有斬桑瑗壞室廬賣以償官身
被縲械而揭木負瓦者纍纍俠度安石終不可諫悉
繪爲圖並奏疏詣閣門投進不納乃假稱密急勾馬
遞由銀臺司上之略言臣伏觀去年大蝗秋冬亢旱
今春不雨麥苗焦枯五種不入羣情懼死方春斬伐
渴澤而漁大營官錢小求升米草木魚鼈亦莫生遂
皆由中外之臣輔相陛下不以道以至於此竊惟災
患有可召之道無可試之形所貴乎聖神者爲其能

圖患未然轉禍爲福耳方今之勢猶有可救臣願陛下開倉廩賑貧乏諸有司掎克之政一切罷去庶幾早召和氣上應天心以延天下萬姓垂死之命陛下自卽位以來一有利民便物之政靡不毅然主張行之亦欲人人壽富而躋之堯舜三代之盛夫豈區區充滿府庫盈溢倉廩終以富衍疆大勝天下哉而中外之臣略不推明陛下此心肆其叨憤剝割生民侵肌及骨使之困苦而不聊生陛下所存如彼羣臣所爲如此甚非宗廟社稷之福也臣聞南征北伐者皆以其勝捷之勢山川之形爲圖來獻料無一人以天

下之民質妻鬻兒流離逃散斬桑壤舍糴粟輸官遑
遑不給之狀上聞者臣謹以安上門逐日所見繪成
爲圖百不及一但經聖明眼目已可咨嗟涕泣而況
數千里之外有甚於此者乎如陛下行臣之言十日
不雨乞斬臣宣德門外以正欺罔之罪疏入神宗反
覆觀圖長吁者數四袖以入是夕寢不能寐明日罷
所不便十有八事民間譁呼相慶又明日下午責躬詔
求直言越三日大雨遠近沾洽羣臣入賀神宗出俠
所進宣示宰執且責之皆再拜謝中外始知所行之
由是口有旨放俠擅發馬遞罪安石遂上章求去一

時用事者莫不切齒爭言俠非毀良法狂妄驚御請
以俠付御史臺推治神宗不許令下開封取勘已而
熙河小捷呂惠卿鄧綰乘間力言陛下數年忘寢廢
食成此美政一旦輕信狂夫之言罷廢殆盡相與環
泣帝前於是新法一切如故矣安石既出薦惠卿參
知政事俠上言天寶之亂國忠已誅貴妃未戮人謂
賊本尙在今日之事何以異此安石本爲惠卿所誤
仍復遂非以相攀援豈爲宗廟社稷計者且惠卿能
終無背安石耶奏人不報俠復疏論西邊用兵爲不
祥反覆累數千言惠卿輩患俠入文字不已遂取開

封所勘擅發馬遞事行下刑部定罪罰銅十斤再請
取旨勘停俠以當候郊恩調官居京師數月憤惠卿
等誣罔日甚乃取唐魏徵姚崇宋璟李林甫盧杞傳
爲兩軸題曰正直君子邪曲小人事業圖跡凡在位
臣僚暗合林甫輩而反於崇璟者各以類標題爲書
獻之復奏大臣所對東南有鴛子田以處三路流民
語皆欺誕及禁中有被甲登殿等事而臺諫加劾靈
木偶緘默不言惠卿大怒劾俠訪訕朝政準敕追毀
出身以來文字送汀州編管神宗問惠卿曰俠一小
官耳青苗免役等事容於道路聞之如禁中被甲登

殿者乃君臣面語何聞之速且詳也惠卿對曰俠前
後所言皆韓絳馮京手錄禁中事使王安國持示導
之使言也絳聞之遽辭位而御史知雜張琥復以俠
事劾京京奏俠去未遠乞追回以究虛實遂命奉禮
郎舒亶逮俠付御史臺推鞠初俠罷門局時遇安國
於道安國馬上舉鞭揖之曰賢可謂獨立不懼隨俠
至所居論事俠曰不意丞相爲小人所誤至此安國
曰僕言新法尙不入況左右乎家兄自以爲臣子盡
忠國家不當避四海九州之怨所見固如是耳俠曰
未聞堯舜在上夔契在下而有四海九州之怨者安

國深以爲然京素不識俠見俠數言事嘗對判檢院
丁諷稱之俠每遣門人吳無至詣檢院投匭諷爲無
至言馮參政再三稱獎然京未嘗使安國以禁中事
告俠俠所從得乃聞之內殿崇班楊永芳也惠卿素
與京及絳不合而安國嫉惠卿諂事安石屢諷其兄
不寤故惠卿並中之俠行三日至陳州亶追至惠卿
遣其黨知制誥鄧潤甫與御史同按問令疏所與交
通者並逮獄收繫俠具以實對安國猶不肯承俠責
安國曰凡對制使不當有隱天地神祇宗廟社稷日
月星辰五嶽四瀆之靈皆在左右口所言者安得諱

之平甫居常自負剛直議論何所不道今乃更效小人欲爲詆譎耶安國遂引服獄成惠卿欲置之大辟神宗曰俠所言非爲身也忠誠亦可嘉豈宜深罪改送英州編管俠冒盛寒徒步行妻負幼女騎以從至貶所居破寺中言笑自若未嘗有悴容留英十年英人皆加敬爭遣子弟從學爲之築室以遷焉哲宗立赦復原官歸至里以右司諫蘇轍監察御史孫覺等疏薦除泉州教授元祐八年丁父憂服除授泉州錄事參軍元符初章惇用事再貶英州建中靖國元年以徽宗登極恩復赦還仍爲泉州教授崇寧元年差

監漳州衡嶽廟未被敕爲蔡京所擠列名黨籍追毀
前命勒停五年復將仕郎許敘用而俠不復出矣俠
還鄉所存惟一拂自號一拂居士性清儉布衣糲食
終其身嘗語人曰無功於國無德於民若華衣美食
與盜賊何異屢經淪落齟齬無少鞅鞅一話一言不
忘君宣和元年卒年七十有九建炎間中書舍人林
邁爲請於朝贈俠朝奉郎官其孫嘉正授房州文學
遷越州山陰縣尉不數年以朝散郎知建昌軍嘉定
六年懷安林復之爲太常寺丞請追諡俠以旌直諒
詔禮官集議太常博士上議古有取諡於字之義俠

平生行事合於知死必往執一不遷之法請諡以介

制曰可

宋史參通鑑長編楊仲良紀事本末
景定建康志西塘集附錄繫年要錄

常立傳

常立字子允

游宦紀聞

汝陰人父秩宋史有傳立第進士

熙寧初御史謝景溫薦其行義召赴闕以疾不就八

年爲天平軍節度推官崇文院校書元祐七年爲陳

州教授紹聖初累官鄭州觀察支使二年除秘書省

正字尋以蔡卞薦由通直郎爲王府說書三年改侍

講既召對卞又薦爲諫官會布白上曰常立附麗章

惇等先帝自處士擢常秩爲侍講諫官其死則又手

詔褒美贈官賻恤無不至者人言立元祐中曾上文
字云其父不悅先朝故事而去外議殊不平之翌日
具以立貢納實錄院常秩事迹聞達秩門人趙冲撰
行狀有云自荆公去位天下官吏陰變新法民受屠
毒又云上下循默敗端內萌莫覺莫悟公獨見幾知
其必敗上甚駭其不遜語章惇曰常立獨厚安石而
詆薄神考卞何爲薦之皆錯愕謝罪詔罷諸王府侍
講提舉亳州明道宮葉祖洽以爲責薄追還所假通
直郎依舊鄆州觀察支使祖洽復繳詞頭改添差監永
州酒稅崇寧元年入黨籍

李燾長編參
紀事本末

程頤傳

程頤字正叔年十八上書欲天子黜世俗之論以王道爲心哲宗初司馬光呂公著疏其行義詔以爲西京國子監教授力辭尋召爲秘書省校書郎久之加直秘閣再上表辭董敦逸撫其有怨望語去官紹聖中削籍竄涪州徽宗卽位徙峽州俄復官又奪於崇寧卒年七十五嘉定十三年賜諡曰正公事蹟詳宋史本傳

唐義問傳

唐義問字士宣江陵人介次子元祐中河北轉運副

使用文彥博薦加集賢殿修撰帥荆南請廢渠陽諸砦進直龍圖閣知廉州章惇秉政治棄渠陽罪貶舒州團練副使後七年復故官知潁昌府卒事蹟詳宋史本傳

余卞傳

余卞洪州分寧人字洪範良肱子五溪蠻叛斷渠陽道卞適使湖北節制諸將伐山開道入渠陽賊遂降有詔廢渠陽軍爲砦紹聖初治棄渠陽罪免歸徽宗卽位復奉議郎管勾玉隆觀未幾復渠陽爲靖州又論前事免終于家崇寧中入黨籍事蹟詳宋史本傳

李格非傳

李格非字文叔濟南人其幼時俊警有司方以詩賦取士格非獨用意經學著祀說數十萬言遂登進士第補太學錄紹聖立局編元祐章奏以爲檢討不就戾執政意通判廣信軍召爲校書郎遷著作佐郎禮部員外提點京東刑獄以黨籍罷卒事蹟詳宋史本傳

元祐黨人傳卷第六

詰授榮祿大夫三品頂戴前廣東南韶連兵備道調補高

廉道權福建鹽運使司鹽法道加四級臣陸心源纂

陳瓘傳

陳瓘字瑩中南劍州沙縣人元豐二年進士第三人
補湖州掌書記調越州簽書判官元祐間蔡卞知越
州待瓘加禮瓘常欲遠之屢乞歸章不得上會承檄
權通判明州瓘到明遂伸所請紹聖初章愾入相瓘
過於道從眾謁愾愾素聞瓘名獨請登舟詢以當世
之務瓘曰請以所乘舟爲喻偏重可行乎移左置右

其偏一也愔默然未答瑾復曰天子待公爲政敢問
何先愔曰司馬光姦邪當先辨瑾曰公誤矣此猶欲
平舟勢而移左以置右也果然將失天下之望愔厲
色曰光不務續述先烈而肆改成緒誤國如此非姦
邪而何瑾曰元豐之政多異熙寧神考固已變而行
之溫公不明先志而用母改子之說行之太驟所以
紛紛爲今之計惟當消朋黨持中道庶乎可以救弊
愔意雖忤然瑾議論勁正愔頗驚異有兼收元祐語
留瑾其飯而別愔至都召瑾爲太學博士時愔已與
卞合而卞黨林自方議毀資治通鑑板瑾因策士題

引神宗所製序文自駭異遽告卞密令學中置板高閣得不毀卞推尊王安石經說禁士人習史學璿嘗爲別試主文卞欲候璿所取而罪之璿以前五名悉取用王氏學者卞無以發然五名以下皆博洽士也璿後謂人曰當時若非矯誣勢必相激史學自此遂廢矣久之遷秘書省校書郎璿見愜卞競倡紹述誣謗宣仁皇后因召對徐奏堯舜禹皆以若稽古爲訓若者順而行之稽者考其當否所以成帝王之治且論天子之孝與士大夫之孝不同哲宗意豁然反復究問語移時會將進膳璿引退有旨約再見愜卞聞

而惡之出權通判滄州徽宗卽位召爲右正言權入
朝請復哲宗廢后孟氏位號仍用鄒浩爲諫官御史
中丞安惇言浩若復用慮彰先帝之失權奏曰陛下
欲開正路取浩既往之善惇乃誑惑主聽規聘其私
若明示好惡當自惇始惇出知潤州邢恕以龍圖閣
待制知荆南權奏恕反覆詭詐得罪先朝公議不容
久矣今寵以華職付以大藩中外沸騰不以爲允伏
望原情定罪以協公議恕貶居均州復論蔡卞假託
經義詭言繼述重誣神考輕欺先帝倡立國是以行
其私宜因其請祠許而遣之章惇當定策時有異議

及爲山陵使無狀以致哲宗靈輦陷瀝不前露宿於
野願降出臣僚前後章疏明議典刑愾卞皆相繼罷
去逾數月遷右司諫時憲肅皇后已歸政璫上言外
戚向宗良兄弟依倚國恩交通內外希寵之上爭出
其門遂使物議籍籍以爲皇太后今猶與政也翌日
御批璫言虛誕不根送吏部與台入差遣謫監揚州
糧料院命下璫猶未知詣閣門求見不許因以劄子
四章繳進其一論修建景靈西宮其二論章愾罷相
制所稱國是其三其四則專指陳蔡京罪惡略言京
當紹聖之初兄弟在朝贊導章愾其作威福卞陰爲

謀畫愷果斷力行兩京則且謀且行假推定策之功
毀滅宣仁當此之時言官常安民屢攻其罪京與愷
卞協力排陷斥爲姦黨而孫諤董敦逸陳次升相繼
斥罷哲宗晚得鄒浩不由進擬置之言路京又因其
得罪而擠毀之七年之間五逐言者掩朝廷之耳目
成私門之利勢詞極剗切而徽宗竟不之省也權旣
出國門翰林學士曾肇奏權以一言上及皇太后遂
至貶斥臣愚謂皇帝以權所言狂率而逐之皇太后
當以天地之量隱忍包容而留之侍御史陳次升亦
以爲言有旨改知無爲軍權卽於門外露章奏曰臣

所進劄子論蔡京不可用京關通交結羽翼已成陛下若不早悟漸成孤立後雖悔之亦無及矣陛下以臣言爲是請先案京之罪明正典刑然後改臣差遣以示聽納若以臣言爲非則當重加貶竄所有知無爲軍救不敢祇受詔不許辭免且諭宰執權言事極不可得賜黃金百兩爲行裝權受賜泣下乃之任建中靖國元年復召爲著作佐郎充實錄院檢討官權力辭檢討職遷左司員外郎兼權給事中權見軍事奉行詔敕盡運天下根本之財於西邊因撰國用須知一本以獻復以紹聖閒重修神宗實錄專據王安

石目錄時政記上目錄辨一篇初曾布屢薦瑾於朝以爲可備臺諫侍從然布當國仍主紹述議瑾心深惡之布冀瑾附己使人諭意將大用瑾瑾語其子正彙曰吾與丞相議多不合今乃欲以官爵相餌吾欲投書以決去就但郊恩不遠吾去則澤不及汝矣正彙再拜願得書瑾喜旦持入都堂謁布遽以書進其略曰瑾聞匹夫改過善在一身大臣改過福及天下閣下德隆功大四海之內咸所贊頌然謂閣下無過則不可尊私史而歷宗廟緣邊費而壞先政此二者天閣下之過也違神考之志壞神考之事在此二者天

下所共知而聖主不得聞其說蒙蔽之患孰大於此
璿之所撰日錄辨一篇已進之於上閣下試一讀之
則所謂尊私史而歷宗廟者可見矣璿近守無爲奉
行朝廷詔敕乃知天下根本之財皆已運於西邊比
緣都司職事看詳內降劄子因述其事名曰國用須
知亦已進之於上閣下試讀之則所謂緣邊費而壞
先政者可見矣主上修繼述之效閣下乃違志壞事
以爲繼述自今日已往其效漸見所以誤吾君者不
亦大乎效之速者尤在於邊費熙寧條例司之所講
元豐右曹之所守舉朝公卿無如閣下最知其本末

今閣下獨擅權柄首壞先烈彌縫壅蔽人未敢議他
日主上因此兩事以繼述之事問於閣下將何以爲
對當此之時閣下雖有腹心之助恐亦不得高枕而
臥也周官曰居寵思危今天下旱蝗方數千里天變
屢作人心憂懼邊費敗壞國用耗竭而閣下方且以
爲道揆之體可謂居寵而不思危矣閣下於壻有薦
進之恩壻不敢負是以論吉凶之理獻先覺之言冀
有補閣下若閣下不察其心拒而不受則今日之言
謂之負恩可也負與不負在壻察與不察在閣下事
君之一位無高下各行其志去就得而奪之乎壻去年

九月三日上封章皆乞奏知東朝所以尊人主而抑外家也欽聖未見察則瑾被貶黜後來慈意開悟則瑾得牽復人主察孤臣之盡忠欽聖知忠言之有補母慈子孝主聖臣直此國家兩全之道廟社無疆之福也今欽聖納忠之美未白於天下而諛官不二之心得罪於廟堂脇持之風甚於去歲乖離之論倡自大臣所以厚欽慈者果在此乎主上念欽聖納忠之意察孤臣不二之心獎勸之恩至深至厚瑾欲擇死所以圖報效無負於人主無愧於外家一身之安危豈暇恤哉然則今日之言安知不見察於閣下也閣

下深思而已。璫不敢供要職，重取煩言，又不忍嚙嚙而去。惟閣下留聽，幸甚。布讀畢，大怒至箕踞，評語璫色不爲動。徐起，白曰：「適所論者，輟事是非，有公議，公未可失待士禮。」布矍然改容。於是出知泰州。崇寧初，蔡京爲相，追治臣僚議復元祐皇后事。璫除名，竄袁州。二年，移廉州。四年，復移郴州。五年，以郊恩赦還。稍復宣德邸寓居。明州貧甚，裴葛不具，簞瓢屢空。晏如也。大觀中，正彙至錢塘，聞京族子密語蔡京有動搖東宮迹。正彙不敢隱白，陳於杭帥蔡嶷。嶷方與京敘宗盟，結爲死黨。械正彙送京師，飛書告京，俾爲計事。

下開封府制獄知開封李孝稱者酷吏也受京指併
檄明州逮瑾瑾至孝稱列五本於庭逼瑾使證正彙
之妄瑾從容答曰正彙聞京將不利於社稷遽自陳
告瑾豈得與知以所不知忘父子之恩而指其爲妄
情旣不忍挾私情以符合其說義又不爲京之姦邪
必爲國禍瑾固嘗論之於諫省亦不待今日語言間
也內侍黃經臣監勘聽其辭失聲歎息謂瑾曰主上
正欲得實狀左司第依此置對可也獄具正彙竟坐
所告失實流海島瑾亦安置通州居數月京已奉祠
詔許瑾自便始瑾在廉州著合浦尊堯集以日錄詆

誣之罪歸之於卞及居明州自以前書未攻安石爲
過復著四明尊堯集取安石日錄中詆神宗語隨條
疏析欲徽宗不平安石而因以斥遠京卞也政和元
年宰相張商英以聞詔下政典局宣取瓘遂表進乞
於御前開折并奏安石不宜配享宣聖廟廷會商英
罷京復入相其黨何執中內柄政請治瓘尊堯集謗
訕罰勒停送台州羈管京徧令所過州出兵甲護送
月具存在申尙書省台人莫敢以居屋借賃者暫館
僧舍郡守希京意令十日輒移一寺數月後執中起
石瓘知州事瓘至置邏卒巡察鈔錄瓘往來書問尋

令兵官突入所居搜檢行篋攝瓘至州大陳獄具將
脅以死瓘揣知其意大呼曰今日之事豈被制旨耶
瓘失措曰朝廷令取尊堯集耳瓘曰然則何用如許
使君知尊堯所以立名乎蓋以神考爲堯主上爲舜
尊堯何得爲罪時相學術短淺爲人所愚君所得幾
何乃亦不畏公議干犯名教乎況尊堯集已上進矣
瓘慙揖瓘使退瓘在台五年遇建儲赦恩復承事郎
徵宗令再敘一官執政持不行方寓通州旋令居南
康又移楚州管勾太平觀瓘平生論京兄弟皆摘露
其隱慝京最所忌恨故得禍尤酷不使一日少安靖

康元年卒年六十有五贈右諫議大夫權通易數言
天下治忽多驗宣和末或問游酢以當今可以濟世
者酢曰非陳了翁不可了翁權別號也劉安世因權
病使人勉以醫藥自輔曰天下將有賴於公當力加
保養以待時用其爲名流推重如此紹興二十六年
高宗覽尊堯集以爲合於易天尊地卑及春秋尊王
之法賜諡忠肅李燾通鑑長編參宋史本傳楊仲良紀事本末陳忠肅公言行錄建炎以來繫年要錄

任伯雨傳

任伯雨字德翁眉州眉山人第進士由縣簿知雍上

縣撫民如傷御史如束縲歷擢右正言徽宗初政納
用議論伯雨首擊章惇章八上情貶雷州繼論蔡卞
六罪建中靖國改元當國者欲和譚元祐紹聖之人
故以中爲名伯雨言自古未有君子小人雜然並進
可以致治者蓋君子易退小人難退二者並用終于
君子盡去小人獨留唐德宗坐此致播遷之禍建中
乃其紀號不可以不戒伯雨居諫省半歲所上一百
八疏大臣畏其多言俾權給事中伯雨抗論愈力且
將劾曾布布覺之徙度支員外郎知虢州崇寧黨事
作削籍編管通州爲蔡卞所陷與陳璘龔夬張庭堅

等十三人皆南遷獨伯雨徙昌化居海上三年而歸
宣和初卒紹興初贈直龍圖閣加諫議大夫淳熙中
謚忠敏事蹟詳宋史本傳

張庭堅傳

張庭堅字才叔廣安軍人進士高第歷樞密院編修
文字坐折簡別鄒浩免徽宗召對除著作郎擢右正
言帝方銳意圖治進延忠鯁庭堅與鄒浩龔夬江公
望常安民任伯雨皆在諫列庭堅在職逾月數上封
事爲帝言司馬光呂公著之賢又薦蘇軾蘇轍可用
頗忤旨會布因稱其所論不當帝命徙爲郎出爲京

東轉運判官改知汝州又改通判陳州初蔡京守蜀
庭堅在幕府與相好京還朝欲引爲已用庭堅不肯
往京大恨遂列黨籍編管虢州徙鼎州泉州久之復
故官卒紹興初詔贈直徽猷閣事蹟詳宋史本傳

馬涓傳

馬涓字巨濟四川閬中人其父從政初未有子買一
妾詢知其父母死不克葬故自鬻遂歸妾不責所負
後夢一翁謝曰我妾父也聞之上蒼矣願君家富貴
涓涓不絕及生涓因以夢中語爲名元祐六年登進
士第一

萬姓統譜卷八十五假承務郎下州文學進承事郎簽

書雄武軍節度判官呂大忠爲帥謂涓曰科舉之學
既無用修身爲己之學其勉之時謝良佐教授州學
大忠每同過之聽講論語涓自以爲得後爲臺官所
論之事無所附麗爲僉壬所憚鶴山集參
開見前錄劉器之晚
居南京涓爲少尹涓廷試日器之爲看詳官不修門
生之敬器之不平客以譏涓涓曰凡省闈解送則有
主文故得稱門生殿試則天子自爲座主豈可復稱
門人于他人哉器之歎服自是甚懽長編參
聞見錄崇寧初
入黨籍宣和間復承事郎謝表云岩巖丹闕如曾清
夢之游藍縷綠衣猶是廣庭之賜四六
談塵

孫諤傳

孫諤字元忠睢陽人元祐初爲太常博士拜左正言
紹聖治元祐黨諤言漢唐朋黨之禍其監不遠蹇序
辰編類章疏諤又言朝廷當示信以靜安天下請如
前詔書一切不問章惇惡其拂已出知廣德軍徙唐
州提點湖南刑獄徽宗立復爲右司諫遷左司諫以
疾卒事蹟詳宋史本傳

陳鄂傳

陳鄂字彥聖建陽人嘉祐二年進士歷歙州軍事推
官熙寧五年賞修水利勞進光祿寺丞尋知崑山縣

歲饑屬邑希部使者意不敢蠲賦郭曰歲歉而賦不
蠲饑孳滿壑何以奉公竟蠲之後爲司農丞未嘗謁
政府遷太府丞請外除閩漕尋改江淮荆浙福建廣
南提點坑冶元符元年罷三年坐爲訴理所勾管文
字時雪熙寧以來斷過刑獄謗訕先朝歸怨君父勒
停再坐元符末年共成黨與變亂法度降朝奉大夫
管勾洞霄宮崇寧三年入黨籍大觀二年出籍性清
鯁歷官五十年退無居廬舊吏餽金數百而不受
福建

通志進士表
參通鑑長編

朱光裔傳

朱光裔字公遠河南人紹聖二年累官朝散郎通判
永興軍兼陝西制置解鹽司公當公事崇寧元年坐
爲訴理所勾管方字時昭雪刑獄歸怨君父降授朝
散郎管勾仙都糧三年復坐元符應詔上書邪中第
二人入黨籍五年與監廟差遣

草堂寺題名參記事
本末韓宗厚墓志

蘇嘉傳

蘇嘉字景謨福建同安人父頌宋史有傳熙寧初入
太學學官顏復發策問王莽變法事嘉極論以爲非
且言時政之失復大歎賞置第一曾布見之譖於王
安石請治嘉橫議罪久之而寢元豐中嘉以蔭補拱

州襄邑縣丞會高麗使者隆冬過境同寮部人卒擊
凍挽舟提轄中官陳衍風邑令以下戎服持柱斧行
督嘉曰吾輩豈可爲此服卒不易坐胡床臨視衍怒
劾嘉慢令神宗釋不問寇王冲黨侵軼京畿詔遣燕
順爲提舉捉般使縣官迎見順自坐南面設縣官坐
東西向嘉不揖而退具其事於府奏之罷順罰銅三
十斤人皆稱嘉爲仁者之勇改知杭州富陽縣縣故
號繁劇嘉至究心民事遂以大治初嘉赴亳州掾蘇
軾嘗薦於亳守楊繪稱嘉篤學有文而沈靜若愚剛
毅不可犯自此相知尤深及是軾見頌賀曰公子富

陽之政雖古循吏無以過也元符元年劉摯辟爲訴
理所勾管文字歷太學博士遷太常博士通判常州
三年坐看詳訴理昭雪熙寧以來斷過刑獄歸第君
父勒停崇寧三年入黨籍遂不復出五年與監廟差
遣宣和三年致仕靖康元年召用而嘉已失明矣建
炎三年避寇卒于金壇嘉春溫雪潔言若不能出口
和而不同清能容物暮年所造如此

八閩通志參
京口耆舊傳

龔夬傳

龔夬字彥和瀛州人紹聖初擢監察御史以親老求
通判相州徽宗立召拜殿中侍御史將上殿卽抗疏

請辨忠邪又乞正元祐后冊位而元祐后冊再廢言者論夫首尾建言詔削籍編管房州徙象州化州徒步適貶所持扇乞錢自給逢赦得歸政和元年卒紹興中累贈右諫議大夫事蹟詳宋史本傳

王回傳

王回字景深仙遊人第進士元符中葉祖洽薦爲睦親宅講書與鄒浩友善浩南還回斂交遊錢與治裝往來經理且慰安其母邇者以聞逮詣詔獄除名停廢徽宗立召還舊官權監察御史數日卒錄其子渙老郊社齋郎蔡京爲相奪之仍列名黨籍事蹟詳宋

史本傳

呂希績傳

呂希績字紀常公著次子元豐七年以校書郎充伴
送遼國賀正旦使元豐八年爲吏部員外郎秘書少
監元祐二年改朝奉大夫少府少監六年公著喪滿
以左朝散大夫除都官員外郎元符二年坐父公著
毀黷先烈變亂法度降授朝請郎守少府少監分司
南京隨州居住希績與兄希哲弟希純皆師事康節
故伯溫與之遊甚厚崇寧二年入元祐黨籍長編參
紀事本
末聞見
近錄

吳儔傳

吳儔福建人祖育宋史有傳儔蘇轍門人也

可談元

祐中爲廬州教授嘗誨諸生作文須用倒語如名垂

燕然之勒之類則文勢自然有力廬州士子遂作賦

嘲之云教授于廬名儔姓吳大段意頭之沒全然巴

鼻之無

東萊詩話

紹聖元年試中制科第五等累官承議

郎元符二年坐爲訴理所管勾文字奏雪前事謗訕

先朝勒停崇寧元年入黨籍餘官之末紹興五年贈

直秘閣官其家一人

長編參紀事本末繫年要錄

歐陽中立傳

歐陽中立袁州人初試部郎上書言新法不便以司馬光門人坐廢遂不復起崇寧二年入黨籍卒弟子

私謚節孝先生

西江人物志

尹材傳

尹材字處初

范太史集五十五卷伊川擊壤集

洛陽人和靖之叔嘗

遊溫公康節之門元祐元年知河南府孫固以遺逸薦授虢州司戶參軍二年充耀州州學教授上疏曰臣尹材謹昧死再拜上疏太皇太后陛下臣伏觀比年以來陰陽不和災異數見五穀薄登民愈愁困蓋由陛下未達天意故災異數出休祥未應者臣以此

見天意屬于陛下者至深至厚非疏賤小臣所能測也陛下因循謙抑未能仰副天意故皇天震怒再三示譴又徒使所愛赤子橫罹凍餒以警陛下豈天意之所欲哉不得已也陛下可不懼乎賤臣愚暗不足以知天意誠爲陛下明其始末則知天意亦不遠于人情也仁宗皇帝享國四十二年仁德可謂厚矣然不與之子者臣以此見天之眷佑皇家有無窮之意欲使陛下聖子神孫繼繼承承永爲神主以保天下億萬年猶未厭也苟無此意仁宗皇帝之德雖百斯男未爲過也然卒不與子者亦可知矣天意在主長

君長君則自外入繼大統欲使吾君知外之事庶能
愛養元元懷保小民如商之三宗以紹湯德此天意
也若降皇嗣則必生深宮之中長于婦人之手耳目
之玩足以移人苟非天生神靈幼而岐嶷未有不從
其習者也苟從其習比之長君豈可同日而道哉臣
以此見天子國家有無窮之意故復乃眷在于陛下
也先帝一旦宮車晏駕皇帝幼冲嗣位萬機之繁未
能獨決則政將誰出故在陛下此天意也天意豈不
以陛下生于勳德之族長于外宮稼穡艱難盡聞之
矣民間疾苦備知之矣必能仰副天意以富天下之

民故選擇而在陛下此非人之所能爲也天也然則
天豈私于陛下之聖可以託其所愛也然則天之託
于陛下者豈輕乎如臣之愚輒不自量願佐下風若
俟大臣舉薦則臣之狂言幾不得聞于左右之聽矣
臣願陛下與皇帝發政于廷日收民望只勞陛下德
音數句不出兩旬澤可加于四海矣臣之言豈小補
哉臣河南府衣冠之後也犬馬之齒六十有六熙寧
二年蒙先帝以遺逸召試臣以疾不行元祐元年守
臣孫固又以遺逸舉臣蒙陛下特旨授臣虢州司戶
參軍次年又蒙陛下除臣耀州州學教授臣蒙陛下

之恩不爲淺矣亦欲未填溝壑之前少報萬分于陛下非自薦陛下無由知臣之能故臣不忍默默自棄于聖代也臣是以不避誅夷上書自薦伏望太皇太后陛下特出睿斷召臣暫至闕庭面陳元符二年給事中劉拯言編類元祐臣僚章疏伏見河南府尹材係知河南府孫固以遺逸薦于朝廷特授虢州司戶參軍上太皇太后書語言狂妄指斥罪不勝戮詔尹材追毀出身已來文字仍令河南府體訪有無子孫仕宦并盡追遺表恩澤

續資治通鑑長編卷五百十八

葉伸傳

葉仲嘉興人嘉祐六年進士元祐二年累官兩浙轉運判官二年以呂大防薦綽著能效擢兩浙轉運副使四年除都官員外郎尋遷戶部郎中六年以趙君錫薦除殿中侍御史辭不拜除左司郎中請補外明年改朝請大夫出爲河北路轉運副使仲爲劉摯故吏嘗薦爲監司清修至公廉明有學才長于斷隘而少容紹聖元年以朝請大夫知福州三年以朝奉大夫守本官致仕元符三年坐元祐中爲訴理所勾管文字時奏雪熙寧元年以來斷過刑名謗訕先朝歸怨君父降三官勒停崇寧三年入黨籍大觀二年出

籍長編參紀事
本末彭城集

李茂直傳

李茂直未詳里貫元豐元年江西提刑丁母憂長編二百

四十九年任福建提刑七年奏言槍杖手李杭鬥敵

殺獲軍賊藍載等十八人長編三百四十六元祐二年官湖

北轉運使詔知渠陽軍胡田聽茂直約束無輒滋事

溪洞非元謀爲首及徒伴協從聽其出入各令以謀

捕送爲首之人赴官請賞三年沅州都巡檢邱仲文

與牯犛蠻遇于治州斬獲蠻賊四十八級詔茂直往

覈蠻數狀功首仍爲之備其應推賞者速具以聞經

略司言融州蠻楊晟臺揚言來寇詔茂直嚴督兵將
焚盪巢穴尋奏言收溪管下銅鼓峒歸明殿直楊晟
嚮昨來收溪賊徒望出晟嚮團峒前來射傷多星堡
南平人戶楊晟郎等晟嚮陰與賊人爲助因胡田差
下人勾引收下見羈在州詔茂直胡田不得下司密
切審量楊晟嚮如止放縱他族作過卽令改過如罪
不可容亦須相度不至阻蠻賊歸首之情六年以朝
請大夫爲兵部郎中崇寧二年入黨籍大觀二年出
籍

通鑑長編參楊
仲良紀事本末

吳處厚傳

吳處厚邵武人始蔡確嘗從處厚學賦及作相處厚
通牋乞憐確無汲引意元祐中確知安州郡有清江
卒當戍漢陽確固不遣處厚怒曰爾在廟堂時數陷
我今比郡作守猶爾邪會得確車蓋亭詩引郝甌山
事乃箋釋上之云郝處俊封甌山公唐高宗欲遜位
武后處俊諫止今乃以比太皇太后且用滄海揚塵
事此蓋時運之大變尤非佳語譏謗切害非所宜言
確遂南竄擢處厚知衛州未幾卒紹聖間追貶歙州
司馬事蹟詳宋史本傳

李積中傳

李積中廣東四會人父士廉廣東通志有傳積中元豐元年進士累官知新興縣時提刑司委鞠獄陰使中傷人提舉司令增羨鹽許以薦章積中皆拒之尋爲御史敢直言元祐中司馬光秉政罷新法積中力贊其議歷翰林直學士崇寧三年入黨籍除名勒停編管洪州家焉崇寧五年復宣德郎宣和末爲宗正少卿建炎元年以朝請郎知襄陽府尋罷歸三年金人至大治縣知洪州王子獻遁士人推積中權州事金人至以城降四年坐投拜除名編管後裔安國大性大異大東俱知名

長編參紀事本末繫年要錄南昌府志

商倚傳

商倚淄川人元祐八年官太學博士與張文潛晁無咎鄧忠臣相倡和紹聖四年爲秘書省校書郎通判保州建中靖國元年爲殿中侍御史九月上書曰□□□□朋黨之論□□□□不□朝廷忠臣不敢□□□□之變爲今日戒臣竊觀紹聖元符間朋黨之□□作豈朝廷所欲爲哉亦有傾危變計之士以飛箝掉闔□術奔走一二權臣之門陳謀獻計以意求合務希寵利遂使縉紳之禍幾半朝廷而班列爲之一空五六年間海內多故君臣無閒暇之日

此陛下所親見也伏自陛下卽位以來治尙簡靜以
與天下休息更革庶事唯務便安進用羣臣不問新
舊任賢以勿貳去邪以勿疑由是朋黨之論不攻而
自判天下士大夫始得安枕而寢比下明詔以謂爲
政取人無彼時此時之別又以建中靖國元年爲紀
年之號則陛下切於致治之意蓋可見矣然臣竊聞
近士人中或有乘時射利之徒伺候府第出入權門
或巧締讒言以中人或妄生虛譽以舉類或倡異同
之論以潛惑上聽或騰反覆之說以陰動柄臣或執
異見欲以混淆人物之正邪或騁曲辯欲以變更朝

廷之好惡假浮譏以奪正任私意以亂公轉是作非
駕虛爲實豈顧紛紜之言□唯期□附以進身黨與
漸成必壞風俗不行禁飭曷底□□□陛下聽覽
之際聖慮先及仍詔中書門下特行□□□□□
朝堂庶以少慰中外士大夫危疑之心知朝廷深惡
□□之□使善人君子可以存立則大中之道何患
不□建唯陛下察之崇寧三年入黨籍通鑑長編參
楊仲良紀事

本末諸
臣奏議

陳祐傳

陳祐字純益仙井人第進士元符末以吏部員外郎

拜右正言上疏徽宗曰有旨令臣與任伯雨論韓忠
彥援引元祐臣僚事按賈易岑象求豐稷張耒黃庭
堅龔原晁補之劉唐老李昭玘人才均可用特迹近
嫌疑而已今若分別黨類天下之人必且妄意陛下
逐去元祐之臣復興紹聖政事今紹聖人才比肩于
朝一切不問元祐之人數十輒攻擊不已是朝廷之
上公然立黨也遷右司諫又論章惇蔡京蔡卞郝隨
鄧洵武忤旨通判滁州下乞貶伯雨等祐在數中編
管澧州徙歸州復承議郎卒事蹟詳宋史本傳

虞防傳

虞防武進人熙寧六年進士崇寧元年以蔡京奏舉充講議司賦調檢討官尋坐毀哲宗謚號保入籍人責添差岐高鎮酒稅崇寧三年入黨籍政和二年復官朝請郎知永嘉縣言朝廷昨行當十錢最富國便民之良法也所貴乎推行之得人而已前日異議之人務快一時之私上欺天聽改爲當三亦誤國之一也欲望特許興復以便上下詔防除名勒停循州編管

紀事本末一百三十六參毘陵志

李祉傳

李祉魏州人父清臣宋史有傳崇寧三年坐其父清

臣議棄湟州阻壞先烈祖當時用事送英州編管入

黨籍

紀事本末

後官浙江轉運使

浙江通志

李深傳

李深字叔平福建光澤縣人父誥慶厯二年進士官至太常博士贈朝請大夫深登熙寧九年進士調曹州濟陰縣主簿厯知饒州之鄱陽蔡州之遂平二縣以清慎聞元豐初爲太常博士提點秦鳳刑獄三年詔以深峘疆自任議多齟齬于訓兵法度不能曉知而沮排同僚必使從已徙淮東提刑尋以豐稷言知饒州元祐元年檢點淮南等路坑冶鑄錢事言坑冶

鑄錢舊隸一司元豐二年以荆廣淮浙分爲兩路韶
州岑泉等場自去年以來坑冶不廢乞通爲一司從
之紹聖初章惇爲相議以僱役爲差役置司講論召
爲秘書丞充編敕所看詳檢役法文字已而惇從蔡
京言徑請人額僱直一從元豐舊制深爭之不能得
遂丐外四年除奉議郎權通判通遠軍會星變下詔
求言深在隴西上書曰臣聞日者太陽也故爲人君
之象星則麗乎陰者也故爲人臣之象今妖星示變
爲陰盛之災臣恐天所以警陛下者不在四海萬里
之遙而在陛下左右前後也臣請薄陳事實願陛下

擇之祖宗故事凡進退言事雖執政不得與聞蓋以杜絕臺諫私於宰執也比年蔡卞執政乃使其兄蔡京得薦臺官旣被其兄之薦者能不被其弟乎陛下命黃履蔡京各薦充御史者三人而履所薦者二人不召一人召爲監司而已京所薦者三人皆召對而二爲御史一爲監司四方瞻望願登蔡氏之門者惟恐不及然則執政之過惡陛下安得聞之乎陛下遣監司按察諸路欲知下民疾苦官吏美惡故著令應職相統攝及事之相干者必使避親蓋欲監司與統攝無蔽欺也今章棻爲涇原帥乃用其婿劉何攝事

又使之專應副涇原軍須前日進築平夏城爲賊所鈔而奏報不到朝廷然則帥臣之乖謬陛下安得聞之乎陛下賞功罰罪進退羣臣以勸懲天下然如鄜延一路兵勢一路兵力進築三城而每賞不過於進官一等涇原章棻以四路兵勢三路兵力亡失甚眾纔築安西城一案而賞典則官自朝散而遷朝議職自修撰而加密直無乃以章棻爲宰相章惇之兄而固優之乎陛下分命監司應副諸路芻粟如邵鑣於鄜延則親臨飛輓至其功成所賞不過一官張詢於熙河泰然安枕未嘗一至沿邊而金城之賞乃自權

發遣運副一進而爲都轉運使又加秘閣之直無乃以張詢爲宰相章惇妹夫而異之乎陛下鼓舞人物文臣以兩制爲榮武臣以橫行爲榮冠儒冠者必有大學術大才能嘗爲侍從之官或邊帥發運使副累年者乃可得兩制列武弁者必有大功勞大資望爲朝廷所親信者乃可橫行臣比見呂嘉問移發運未數月不緣奏計登對不緣六曹貳卿遂除待制天下皆謂嘉問之子娶王雱之女蔡卞娶王雱之妹臣不知嘉問之驟爲兩制果出陛下之聖意乎臣又見張赴近自左藏庫副使不因賞功又無他長遂以閣門

副使爲雄州帥天下皆謂張赴乃章惇之妻兄弟比
自章惇入相未三載間差遣屢易莫非要郡與兵權
也臣不知張赴之超爲橫行邊帥果出陛下聖意乎
章惇爲小官時有李參者常薦惇今參之子孫李冲
李延嗣悉爲監司此人人知章惇之報私恩也蔡卞
爲王安石壻鄧綰薦卞於先帝欲以媚安石先帝察
其邪慝怒而逐之德音指爲奸回天下至今傳誦今
綰之子洵仁洵武同時召對一爲校書郎一爲提舉官
洵武又兼爲修史檢討此人人知蔡卞之報私恩也
恭惟陛下復行免役本以寬民而取於民者不輕陛

下留神安邊本以養民而害於民者先至原其所以然則以用蔡京爲詳定用章橐爲帥臣也京於簾幃聽政之初實知開封府事方朝廷更改僱役卽奉行差法爲天下倡是時章橐劄子所謂祥符縣役人一千一百餘人不數日間差撥了當者實京主其事也然則如京者其可使之詳定乎故役書未下之際京乃獨入劄子乞人額僱直並依元豐以掩昔日之失又陰造誣言謂同列兼行差法議論紛紜稽期遷令此役法所以未全而上違陛下本意也橐於元祐中爲陝西轉運使當鄜延棄米脂浮圖二寨之時橐於

綏德城召諸將佐置酒高會作樂相慶又上表稱賀以棄地爲盛事進爲慶州帥遇賊兵侵犯而措置乖方殺掠人民然則如橐者其可使之爲帥乎故橐比赴渭川方半月閒遽請進築欲以贖前日之罪倉卒無備上煩朝廷起環慶秦鳳熙河涇原四路馬軍以爲防北又驅熙河秦鳳涇原三路車乘人夫以充漕運輦置百物勞費萬端老幼嗟怨徧滿道路此邊事所以未息而上貽陛下深憂也諫諍之臣自上官均孫諤以言事補外之後論近臣者鮮矣陛下能不爲萬世慮乎伏望陛下上念祖宗積累之艱難親收人

主威福之大柄選擇正直之賢士以備諫諍委任公忠之賢佐以爲贊襄駕馭英雄使之各盡其力屏斥奸佞使之無所施其巧如此則符瑞沓至災害不作天文之變不足患矣疏入愜及京卞大惡之會樞密院言熙河蘭岷路經略安撫都總管鍾傳等進築丹喇關奏報失實以深在軍預議責降一官深嘗力陳不築淺井則天都齊訥納森皆未可進築其言切中機宜而帥臣以鍾傳被責竟不敢奏也已而曾布言邊人皆以深爲枉乞下兩帥體訪遂降指揮令章棗孫路相度的確利害以聞棗路奏如布言得旨敘復

遷朝散郎陞辭奏事復爲愴卞所譖罷歸建中靖國
元年起爲司農寺丞復專領戶部役法深於是取出
錢之重者悉明蠲減之崇寧二年京當國貶深復州
除名勒停入黨籍邪上尤甚第二人四年移建昌軍
改青州五年復官入閩通志參通鑑長編會稽按英
續集楊仲良通鑑長編紀事本末

李之儀傳

李之儀字端叔其先景城人後居當塗舉進士之純
從弟元祐八年蘇軾帥定州辟掌機宜文字歷樞密
院編修官通判原州元符中累監內香藥庫御史石
豫言其嘗從蘇軾辟不可以任京官詔勒停徽宗初

提舉河東常平范純仁將薨以意授之儀作遺表未
幾蔡京當國謂純仁子正平與之儀矯撰遺表編管
太平徙唐州終朝請大夫之儀能爲文尤工尺牘軾
謂人刀筆三昧有姑溪前後集七十卷

宋史參施
註蘇詩

范正平傳

范正平字子夷純仁子紹聖中爲開封尉有向氏于
其墳造慈雲寺蔡京以向氏后戚奏拓四鄰田廬民
有訴者正平按視皆民業京坐罰金用是蓄恨正平
及當國正平以忠武軍節度推官居憂京言正平廢
撰父遺表又謂李之儀所述純仁行狀妄載中使蔡

克明傳二聖虛仁之意遂逮之儀克明同詣御史府
正平就獄捶楚甚苦使從其家得永州傳宣聖語本
有御寶又驗內東門籍皆同遺表八事諸子以朝廷
大事防後患繳中潁昌府印寄軍資庫自潁昌取至
亦實獄遂解正平羈管象州家屬死者十餘人會赦
得歸潁昌以壽終

宋史參世濟
忠直之碑

曹蓋傳

曹蓋坐元符末應詔上書譏訕謗斥得罪宗廟編管
柳州除名勒停崇寧三年入黨籍邠上尤甚第三十
四年五年吏部注在外差遣

紀事
本末

楊絳傳

楊絳坐元符末應詔上書譏訕謗斥得罪宗廟除名
勒停崇寧三年入黨籍邪上尤甚第二十二人五年
降兩資收敘

同上

蘇昞傳

蘇昞字季明京兆武功人德性純茂強學篤志行年
四十不求仕進從張載學最久爲門人之秀後師二
程元祐元年以呂大忠薦授鄆州司戶參軍除懷州
教授尋召爲太常博士坐元符上書入黨籍邪上尤
甚第二十六人編管饒州過洛尹和靖館之和靖問

曰季明當初上書爲國家計耶爲身計耶若爲國家計當忻然赴貶若爲進取計則饒州之貶猶爲輕典

明以爲然五年以舊資上降兩資收敘

伊洛淵源錄
萬姓統譜

長編紀
事本末

葛茂宗傳

葛茂宗坐元符末應詔上書謗訕譏斥得罪宗廟除名勒停編管道州崇寧三年入黨籍邪上尤甚第三

十三人

紀事
本末

劉謂傳

劉謂四川華江人元符末應詔上書得罪宗廟除名勒停崇寧

三年入黨籍邪上尤甚第三十九人五年降雨資收敘同

柴衷傳

柴衷周世宗姪元孫熙寧中累官鄭州長史十年令

吏部與注遠處主簿或尉

長編二百八十二

坐元符上書謗

訕譏斥得罪宗廟除名勒停編管全州崇寧三年入

黨籍邪上尤甚第三十八人五年降雨資收敘

紀事本末

洪羽傳

洪羽字鴻父南昌人紹聖四年進士歷知台州軍母

爲黃山谷妹不淑早世所爲賦毀壁者也與兄炎玉

父朋龜父芻駟父皆以文詞名世號四洪羽坐元符
上書謗訕譏斥邪上尤甚三十七人編管江州五年
于舊資上降兩資收敘書錄解題
參西江志

趙天佑傳

趙天佑坐元符末應詔上書謗訕謗斥得罪宗廟除
名勒停編管隨州崇寧三年入黨籍邪上尤甚第三
十五人五年降兩資收敘紀事
本末